

賞雨茅屋詩集

賞雨茅屋詩集卷之十三

盱江 曾煥

賓客

古今體詩六十一首

人日南卿招飲聽湯童子琴

童子名壽民都尉貽汾之子也

世間顧曲有周郎人日爲我傳壺觴座中年少問姓湯
抱琴身祇如琴長其家老鳳聲鏘鏘等閒教此雛鳳凰
童子云指法爲父母所授十指嫩若初生篴試彈一曲驚老蒼連旬
風雪人凍僵忽覺天地迴春陽赤子之心溫且良發宣
琴理春滿腔座中主客多慨慷聽來身世渾兩忘周郎
持酒酌年少道渠墨梅亦家教曲成筵外花已笑請渠

放筆爲寫照花格孤高卽琴調

次韵酬春松

正月十六日集同人於賞雨茅屋春松卽事有詩春松將入都補官也

十年前記共遨頭芳草離離古玉鉤

謂揚州舊事

白髮重逢

燈影照青春暗逐雨聲流海南士盡師韓愈江上民猶

念陸稠

陸稠字伯胤爲廣陵太守廣陵有諺歌頌之見吳錄

莫似樛材老無用昇

平事業要君收

和陶連雨獨飲

雨溪使人靜又使胷浩然堂前一尊酒宛坐煙水間此時一事無此身倏如仙從容就斟酌此境得自天俯看階下花榮落忘後先仰見山頭雲旣出時復還賞雨吾

所好茅屋需何年買春聊暫歡終踐平生言

香海和前詩見示復酬一篇

來詩間作聞

我飲方獨樂不知子陶然陶然子亦醉乃以詩相聞詩中吾未達苦欲求神仙請問仙之人何殊醉中天真意無古今淵明適我先白蘇徒好事

二公皆和陶

采藥希大還

入春膏澤多種秫當有年萬事不足道但與農夫言

湯雨生畫北齊盧士淡妻桃花顰兒面圖題一絕

句

青雀飛飛未作窠黃花欲落勢如何盧家少婦能將子猶勝姑夫與阿麼

和北仙次韵

岳陽樓上望長沙記得初嘗嶽麓茶

初謁呂仙於岳陽樓時樓下皆賣茶

者別後相思滄海外蟠桃開落幾回花

蘭池彙刻歲前梅花酬唱詩再用連雨獨飲韵簡

諸君子

花晨輒風雨是孰使之然向來所經春恹恹一夢間逢
時有浮榮寓世無畱仙衆芳何貴賤類各從其天徒怨
落梅蚤寧忘開最先園林卽無花有酒須往還悠悠過
太境且樂今茲年詩句亦安用不如兩忘言

次韵酬春松南海神廟喜晴

一月天真漏三江漲漸消誦君觀日賦慰我涇年謠廣州
冬至宜晴元日宜雨諺曰乾冬涇年禾黍滿田年涇冬乾農夫加餐宿雨含祠樹冷風翼
水苗陽春輝萬物屬望在雲霄

松石把卷圖歌爲張南山作

珊瑚木難光照市北里歌鐘達南里中有一人獨荒寒
身如枯僧坐煙巒不知塵世有何事終日手持一卷看
巖泉白飛硯席上松色青入鬚眉間往時月谿與雲淙
湛黃講學於其中三百年來山絕空無人復有巢雲松
而君灑墨爲玉虹矯首青天墜九龍月谿雲淙玉虹洞九龍泉並在白雲
山明時湛甘泉黃泰泉曾置書院君新築雲泉精舍有人笑君飢且凍君乃囁囁

自吟諷席毘常有風霜姿孫綽豈無棟梁用我但知君
不能貢漢廷他日中和頌

寄題海豐縣五坡嶺文信國祠追次公過零丁洋

詩韵

冲人殿裏尙橫經

端宗于厓山日御經筵講大學丞相章句公被執時厓山尙未破也

軍前已落星風雪殘年悲敗葉

公以十二月被執海山孤國

本浮萍祭公何必王炎午

王炎午有文恐其不死

祭知己無如麥

述丁

公之死以麥述丁力贊元帝也

今日五坡猶廟享更誰饗飯哭冬

青

琴隱行爲湯雨生題圖作

將軍不樂笳鼓競歸空山中託琴興山中猿鶴久相思
谿月松風來竊聽將軍雅歌復投壺人笑將軍非壯夫
一朝謝病別蠻府夜夜空嘯戟上烏

次韵和香海

春濃人轉澹院落暮岑岑微雨得花性夕陽知鳥心浮
榮來日少歸夢大江波招隱新聞曲湯生有一琴

雨生騎尉

昨以琴隱圖索題

寄黃道士

昨聞道人琴始覺我心競鑪香猶浥浥花院後已暝歸
去空山中月明在松磴此時爲誰彈唯有鶴能聽

既作長壽寺後池修禊序復繫一詩

言從老僧期

釋蚤安

復有鍊師約

道趙塵

琴餘海大澹酒半

林花落孤嶼任浮汎片帆何住著悵然倚虹園廿載事

如昨

昔在揚州紅橋修禊距今廿年矣

代黃道士越塵作

君家鼓瑟風興寄於算春今日爲君奏恍然見其人

代僧早安作

石泉槐火一時俱新君來問泐是佛之因因生因滅可
以池喻朝潮自來夕汐自去

龔雲濤自宜章來以郴嶺紀游草相示六卷中夜

發長沙與黃花耘唱和詩韵二首慰其遠訪之

情兼寄花耘

吾得楚兩生不誇一人半奈何龔生才憔悴行澤畔迹
從漁父笑數昧詹尹算黃生亦同病心爲悲秋斷下里
無知音東隣絕窺看登高叫虞舜雲氣九疑亂夢聽軒
皇樂依稀在霄漢憶子弭蓀撓遇見湘西岸芷蘭正芳
馨風雨倏離散歲晏孰華予相思微昏旦庭前伐木聲
昨有春鶯喚

騎田石磊磊楚越隔天半龔生一葉舟下自懸崖畔別
來今幾春髮白各無算音書多未達雁至衡陽斷問比

年何如開篋與詩看篇篇羈旅愁口讀使心亂生與黃
生才正如江合漢黃生今孰侶轍迹太孤岸老夫來海
外舊雨半飄散何期載酒人及此握蘭旦生以修禊後數日來頗
勝白香山客來要書喚香山戲招諸客詩誰道洛中多逸客不將書喚不曾來

桂林與宋梅生觀察李芸甫水部游七星巖樓霞

洞題壁

重華察璣衡南交亦既宅坤靈應乾象列嶂如斗極自
帝南巡來卿雲照蠻貊虞山特廟饗七宿陳几席山與虞山
舜祠相對其穴通九疑聖人實藏魄往時王妙相曾此精誠
格霄漢霏靈香神光現金碧所由千百載洞裏多異迹

頃予揭西柄欲得天漿挹一叩星君宮瑤扉爲子關足
跳壺公壺手拊石公石漸覺天光微頗驚地維墮風雲
還復通日月渺相隔高城又淡池隘巷忽廣陌但知屢
升降了不辨南北試與同人言聲如甕中逼中間何所
有臺殿敞帷帟諸天與列真種種冠劍烏驪龍方穩睡
彷彿聞氣息貔虎突趁人諦觀若雕飾平疇青可耕嘉
果紅可摘不識此何都何人此占籍前途更陰晷寒噤
毛髮直輕冰在鞵底凍雨時一滴旣恐懸石崩且虞坎
窞溺皇然尋舊路幽處喜生白不然久不還或者九泥
塞吁嗟鑿混沌伊始誰之力夸娥好遠賈乃至窮荒域

斤斧雖鬼神得毋困征役想由上帝命以處衆仙伯柰
何求仙者比比皆無益華陽洞中珠吳綽未能覓太行
石中髓叔夜不能食我如夢游仙恹恍但追憶仙人果
誰待輕付冠卿笛

明日游隱山六洞

峯峯灘水綠復作灘水縐桂林煙景多坐使客程逗隱
山本神工翻若人工就一方水蒼玉誰與細雕鏤樓閣
交玲瓏日以風泉漱風泉漱不已竊恐石根瘦詰曲蟠
穿珠逡巡蛇出竇天心掇到纔月脅轉來又每當峽路
窮輒得廣厦覆軒窗面面啟盡挹川原秀仙人適何之

碁局猶未收琴薦亦宛然冰絃幾回奏

碁局琴薦皆洞中石名 茲

山誠可隱今我亦何謬家有白頭親方從峻坂走

集梅生衙後小齋誦壁閒句別後祇記旋然二韻

寄和一律

挂起紗窗翠接天谿魚山鳥簿書前
畫屏看白煙中出漁櫂聞從月下旋
酒瀉清尊皆石乳詩成幽韻付湘絃
恩恩過客驚時序一樹榴花紅欲然

興安灘上歌

朝見龍蟠莫見龍蟠

龍蟠山名

三朝三暮龍在雲端雲端乃

是通舟處上有懸流南北注自從史祿鑿渠來兩崖萬

古無人開中閒碎石大如斗湍激千里轟晴雷一里度
一灘一灘高十丈乘槎徑欲浮天上腰環環兮足蹢躅
似蟹爬沙鮎上竹舟人號叫不少休煙草萋迷杜鵑哭
杜鵑哭道不如歸賈客聞之淚滿衣始信伏波軍士苦
至今歌怨武林谿

陡河

灘與湘分後離情故自長中含千古淚曲似九迴腸客
子灘頭坐扁舟石底妨有家都久別惆悵此河梁

湘山寺禮寂照大師眞身

山如佛頭青江與佛心清大地歸寂照至人無死生龕

中月常滿塔上雲猶明

宋時嘗有紫雲見於塔頂

遺教不能受空來

游化城

遺教經師所傳也

過永州寄題愚谿次劉夢得傷愚谿三首韵

羅池靈馭儻能來寒骨淒淒神復幾同南澗風林東嶺月

谿山僻處手親開

谿上人來談故事谿邊今尚有漁家永州司馬時時見

不見門生載酒車

早梅花發春心遠斑竹林深古怨多

柳州有早梅及茅檐下始栽竹詩皆

永州

淒絕江離千里色衡陽道上故人過

夢得又有重至衡陽傷柳

儀曹詩云千里江離春故人今不見

浯谿摩崖碑

漫叟雖漫浪在家不忘國煌煌中興辭乃就谿邊刻文
撰於上元碑成於大歷公傷時事壞藩鎮多亂賊洵洵
朱李儔朱希彩李懷玉何異安史逆竊憂天寶禍復見
在朝夕此刻聞於朝庶幾資警惕無何至建中果有播
遷厄知公齋恨終徒此畱名迹當時摩崖者亦死平盧
役

湘江曉行

天從峯後白漸入滄波間微風起淪漪吹過船窗寒江
上夜來雨餘霏在林端村煙稍稍泮人家翠微攢沙鳥

眠尚熟草蟲鳴未闌清光緩舟趣勞者神亦閒叢篠纔
後岸香蘅又前灣坐聞款乃音韶濩流雲山

登衡山作

大莫大於祝融汪高莫高於祝融峯吾見滄溟沐日而
浴月又驂朱鳥兩翮摩蒼穹南極入地三十有六度世
所不見吾得窮悠悠灝氣周鴻蒙得不開拓萬古之心
胷羣仙邀會靈臺中紫蓋光射金芙蓉鶴影徘徊秋漢
白鳳鳴宛轉朝霞紅洞庭野張黃帝樂瑪瑙甕出重華
宮夏披金簡觀玉字乃是宛委巖下神禹之所封始知
上古聖人皆得道至今治嶽稱神農使我道心初發矇

寶雨寺詩集卷之十三
惜乎身世猶樊籠儻能築廬隱此如李泌豈肯復涉塵
寰聯

辰龍關

西南古隔絕岡巒塞乾坤巨靈所不至誰爲擘此門當
頭斗柄揭雙闕聳上垣迎面朝日光百蠻嚮中原連山
若萬馬沓擁不得奔辰龍扼其衝勢欲一口吞石作鱗
之而瀑爲滄溟翻尋常爪甲閒蹴踏龜與鼉登龍仰天
路一綫虹霓痕百折始木杪千盤復雲根往來皆蹢躅
前輕而後軒我方坐肩輿到此如乘船輿端兩條纜力
以千夫援升似緣壁蝘下同飲澗猿藤葛紛蒙茸柔弱

不敢攀侑千仞谿瀕洞驚井睂嗟哉險若此劍閣何
足論堂之唯一夫封以泥一丸漢代遣伏波明師駐偏
沅蠻俗終時遠夜郎時自尊馭之稍失當易損其威恩
今者幸承平開關無守閫惟餘舊戍堠小旆風中掀十
里五里中三家兩家村雞犬了不驚禾黍亦已蕃迴思
往年事伐叛勞諸藩黯然武谿溪猶多國殤魂羅施脣
齒地九種兼八番不才乃承乏秉節馳朱轡何以策久
安惕惕心自捫

相見坡行

朝渡相見河

在鎮遠城西

暮經相見坡相見復相見柰無相

識何一解相隔三十里相望近如咫尺回首故鄉程三千還

不止二解煙昏油榨關在鎮遠日落鼓樓戍在施秉恩恩覲面

來各各掉頭去三解坡上數狔狔鳥音笑相道尋常果食

人果食者苗言行役也一見一回老四解

過龍標寨有懷王少伯

竹叢春酒對涼天楓岸孤舟聽斷絃二語皆本龍標詩寂寂清

谿曾隱處松梢明月為君縣見常建詩

飛雲巖

雨師最好黔諺云雨師好黔風伯好滇日日雲飛飛不測雲安出今

知雲所依依依此層巖狎獵還紛霏忽添巖外峯又做

嚴閒扉我試款扉入我身雲四圍千尋倚華蓋五色墜
羅帷嗟爾飛欲去終然不遠違我卻輕萬里故山何日
歸蠻中多瘴氣莫浣游子衣登高望白雲猶欲依庭闈

題紫芝先生羅浮小住遺照

先生夏氏諱大鼎湘潭人曾官新寧教諭

罷職後放情山水因遺此圖其
嗣君儀常與予善屬補題也

先生神已歸羅浮明月寫影人間畱紫芝肩宇眞仙流
人間小住七十秋功名富貴同浮漚湘沅何必多離憂
快意時作逍遙游鐵橋連天聳石樓煙雨吹落珠江頭
我官其閒歲五周末嘗一日閒身抽遙望恍忽如瀛洲
稗川丹術無處求得似先生往時不

寄題葉芸素郎中移居圖

門前馬蹴春雲熱

來書云移居虎坊橋市南

門裏人同古井寒

來詩宅有

井古坐展青氊仍舊物身依

紫禁似閒官歸山曾乏誅茅地學圃聊編護藥闌

君有種藥

圖

我亦廿年游宦者樂天猶歎卜居難

樂天卜居履道里詩云游宦京

都二十春貧中無處可安貧

漢未央宮甄歌

有引

余近得甄一出紫翠斑斕左方印隸書未央宮

東閣甄六字隸法甚古攷唐會要開元十一年

修祠后土壇掘地獲古甄有篆書千秋萬歲長

樂未央等字又攷石墨鐫華及金石文字記金
明昌中修孔廟於靈光殿基南取石充用得一
石刻曰五鳳二年亦是篆文此輒隸書得無贗
乎然漢高帝時太秦未遠隸書止行於民間故
器物多用篆字至武帝則朝廷上下悉用隸書
是以今人所獲漢瓦當亦往往有隸書者此輒
字曰未央宮蓋未央宮造於高帝時至武帝而
增廓焉其爲武帝時未央宮輒無疑也

茂陵劫灰黑墓門輒已碎沙礫何人懷玉此一方
頗似開元壇下獲茂陵式廓未央宮玉碣丹墀連別風

雕牆環繞四百里壁帶往往黃金釭繡簾春動花陰煖
經襪香生苔砌滿歌脣開處遏雲行舞影迴時隨月轉
祇今冰面漬朱翠元微之詩花
輒冰面開零落千秋萬歲字不如
瓦當作硯猶可磨甄乎甄乎柰爾何

南明河放歌

河通烏江卽古
之牂牁江也

我從牂牁江水入海處西上直溯牂牁源神禹隨刊所
不及蠻荒此日皆中原天欲西南廓都會縣流一綫開

萬山中涵天光照幽谷除夕月影猶團樂

烏江在遵義
思南平越州

一帶傳聞臘月晦日夜水中
見圓月影其光不減翌日

楸船但須莊蹻勇鑿道何

必唐蒙難我

朝水西置四郡古州八萬降生番豈特秦漢羈縻無足
道遠邁有虞階舞于江至此時流亦安放舟橫渡無驚
濤往聞大姓偶入貢今且賈帆上下如雲攢獨怪黃河
行腹地汴睢淮泗常爲患得無禹疏故道待修復使我
惆悵凋蒼顏

遵義趙蘆洲太守示以謫仙樓石刻太白白田馬

上闢鶯詩追次其韵三首

遵義城外傳爲太白
流夜郎時馬上聞鶯

處今趙太守建謫仙樓刻公詩
於石並攷證公之實至其地云

萬里鵲南飛繞樹方無枝忽聞黃鸝語羨彼遷喬時
咎日龍池上春風垂柳絲歌辭尙堪憶策馬可勝悲

南風吹歸心

太白句

花發樓東枝嬌女與嬌兒折花相憶

時公國日已遠蠻煙鬢絲絲當時公老矣豈唯故人悲

將老身反累少
陵夢太白句也

夜郎黑箐中公如月挂枝至今仰餘光想見公來時入
生幾何樂無過一絢絲樓上請置酒爲公澆古悲

黔中雜詩八首

五尺秦時道三分漢塞垣陰天常作夜幽谷未

經暄石

立疑山鬼人奔共野猿西南甌脫地今始列雄

潛

胖舸江萬里我亦楸船來除夕看圓月晴天數

怨雷綠

疇雲際切紅蘼石間開

黔靈山三岔河皆石
上生花明爛如霞

欲待藍輿

上全憑百丈擡

寨落露林梢，懸崖鳥共巢。花裙黃蠟繒，黍飯綠荷包。石

鼓從龍打

安順有龍井，秋日發聲如鼓，俗名龍打鼓，主雨多。

巖泉白馬跑

馬跑泉在

關索嶺

人聲渾不辨，聒耳但咬咬。

昔在羈縻世，三苗共一邦。銅梁連絕塞，鐵索斷長江。毒

甚含沙蠱，狂同吠日龍。不因千羽化，焉得野心降。

今日重關啟，風中颺戍旗。屯田防禦使，納土長官司。八

萬生苗熟，東西險道夷。穴居皆赤子，軍吏爾須知。

奢香今驛館，濟火舊神祠。銅鼓淵淵奏，蘆笙細細吹。杖

宜扶木，老酒合醉竿。兒試喚同年，至能言愛莫離。

苗人傭役

者聞呼同年則喜其言愛
莫離者謂與汝有宿緣也

霧起潛厓渚霜濃倒馬坡官鉛前路運貢象昨朝過穀
較滇池賤鹽來蜀道多頗聞田戶部可繼郭青螺
官舍似槃阿遐方罕客過窗開山色滿吏散鳥聲多
薊
醬從蠻食花鈴聽踏歌微材愁重寄所賴是時和

聞角

九谿煙雨百蠻山夢裏江西一夜還城上何人吹曉角
楓林月黑老鴉關

寄海南知已

別酒未終船已開
予自粵赴黔諸詩人餞送於花田三水諸處怏怏而別
夜郎淺

在亂山堆自從太白龍標外千古詩人不遠來

海南花事近如何

粵中冬月諸花盛開

此地荒寒獨醉歌一事傲

君差有興雪中清景得來多

海南無雪而黔中常見

貴陽閱武

關外鴉聲靜山前馬色寒

城外有老鴉關又有坎馬山

屯營今細柳

鑿道古且蘭衛卒閒身竦蠻人冷眼看攻心雖上策武事莫偷安

題奢香驛

夜郎女破大竹哀牢婦感沈木槃瓠婁徒出帝嚳廩君亦就鹽神宿西南夷種從來奇椎髻桶裙多土目有明

一代相始終前有奢香後良玉

白號

礪礪山不毛寸田石間鑿在到切鑿深一尺土憂旱不憂

澇今年六月中日烈風又燥我請於龍神遂得陰雨膏

有苗雖異種穹宇均覆燾地窳天所憐非唯雨師好諺云

雨師謂苗無禮義亦頗尙祈報十月稼登場賽社名白

號家家出犧牛設席傍隈隩時於林箐中飄颺五采燾

奚婆以爲師鬼師曰頭人以爲奧禮記人情以爲田故人以爲奧也注奧猶

主也苗延鬼師婦或籠馬鬣男或著氈帽或將鳩杖扶

更苴獨前導更苴蠻長名從之童裊輩衫帶雜青編銅鼓如

鼉鳴蘆笙如鳥噪宮商雖不諧鏗節起舞蹈睢吁徹晝

夜儼若鬼神到槃瓠當受享竹王定酬犒茅枝愁失占

雞骨喜如禱

占卜或析茅或視雞骨

粉然召親隣竿酒相慰勞灼

毛而齟血席地競圍竈酒酣連袂歌歌已復笑傲今歲

幸有秋飽餐吾幼髦此儕在簪時稷化誠桀驚棘端弄

猴輕井底躍鼉躁弩發恆有毒蠱飛亦爲暴自從改土

來刻木聽文誥各寨皆農夫耕鋤罷剽盜蟬鳴有早收

蟬鳴

羊毛有晚造

羊毛粘亦稻名呼秋穰爲晚造

所飯但菽麥椎塘半

麤糲

剉冰爲日

佐之美一盂菹醬以蔬苳儲稻作正供

苗不食稻

輸倉類轉漕唯冀好流官平量莫加耗此儕

在今日如卯方啄菴馴之慎毋擾願爲有司告聲詩奏
侏僂庶附越裳操

寄家書附以二律

井鉞參旗照畫樓旄牛荏馬出梁州漢家持節郎中將

蠻微趨塵漏臥侯殘卒已還從蜀道

嘉慶八年黔
兵平教匪歸

大軍

猶憶駐壺頭

元二年有辰
沉平苗之役

瘡痍始復需生息重寄添來

日髮愁

心同潘岳捧輿歸身似王尊叱馭馳爛雨蠻花梅子洞

在黃

平州旨風鬼火竹郎祠

在平越州
楊老驛

鷓鴣嘯徹驚魂易鴻

雁行稀寄信遲料得堂階護草長倚門懸望累親慈

觀音寺僧道源獻蠟梅一枝酬以數句

芳杜洲前新月黃

觀音寺在芳杜洲上

月中一院旃檀香

梅譜蠟梅之花

密香濃者名檀香梅

道人嚼花同嚼蠟滿嚙冰雪清肝腸卻拗一枝持贈我知我未減青蓮狂

太白游慈恩寺僧獻綠英梅見海墨微言

鵝兒

臘釀正新熟清氣浥浥添杯觴昨訪曹谿過梅嶺南宗

寥落南枝荒道人能參黃面老當爲五祖開道場

蠟梅本名

黃梅花

跳月詞

雉雛燕初飛蜂雄蛺蝶雌嚶嚶草蟲鳴螽躍而從之南

天二月半春風滿羅施綠浚梅子關

在永寧州

紅漲桃花谿

在威斗郎出林菁斗郎菁在普安州子女游江湄在古州東寨

須打牙打牙狔狔有五種其俗嫁女必打落二齒故名西寨須畫眉畫眉在平遠州

山頭扶歡扶歡山在桐梓縣洞裏藏春宜藏春洞在安化縣初由其

罷蒙苗言父曰罷母曰蒙各教其家兒十齡皆讀曲曲調如竹枝

又為截蘆管一一朱脣吹節之以金鈴聞聲足相思導

樂而誨淫以盡父母慈風流求藪澤隣里來會期男左

而女右行列無參差男子髻纏悅雞羽當風欹身上五

采襦其短纔及臍女子髻橫釵纓絡珠纍纍腰間百摺

裙其長或拖泥男以笙簫呼女以花球貽連袂而踏歌

有如漢宮妃游春而合隊有若楊家姨如蕭史吹簫能

令巖女怡如長卿奏琴妙使文君知如鬼歌子夜音韵
何太悲如伎舞天魔容態無乃奇此時由鹿心震蕩不
自持此時雌兔眼亦復交迷離媒妁何必勞嫁娶何須
嘯乘龍以爲快累騎同所歸而其家罷蒙列坐觀兒嬉
插管方豪飲相對咸解頤老翁語老嫗還憶童年時

永寧州紅巖奇字歌

紅巖山滾處石上有朱書二
十一大字奇古不可識余聞

而異之適同年張壺山太守
署安順郡篆屬爲摹印以來

紅巖朝朝騰赤氣望者不知何怪異地荒迹秘鬼莫窺
上有朱書廿一字古今紀錄無傳聞壺山太守告我云
擘窠頗類峒嶠碑螭扁又同石鼓文乃於二者絕相遠

片石曾未經斧斤何人摩厓一掃筆筆力入石深千春

亟教摹印來二紙口角銜箝唯瞪視疑龍疑穗疑籀史

名氏莫詳年莫紀蛟鼉駭舞鸞皇飄星火陸離雲物詭

將無靈寶出洞庭或者中經藏宛委有言斯蓋武侯筆

侯也駐軍嘗倚壁貯甲洞猶金筑在貴陽城內有銘勳武侯貯甲巖

石似南寧勒隋書史萬歲爲行軍總管擊南寧蠻見武侯紀功碑銘其背曰萬歲之後勝我者過

此吾聞神讖文已焚金陵所藏吳天發神讖碑近燬於火又聞尊號碑久

防魏上尊號碑今僅有搨本豈有揮豪自三國禁得雨淋兼日炙恨

不遇郭景純晉書郭璞傳璞云會稽當出鐘以告成功後剡縣人果於井得一鐘上有古文

奇書十八字亦恨世無楊子雲紅巖鐵索萬萬古古體茫昧

誰能分

實雨茅屋詩集卷之十三終

黃雨茅屋詩集卷之十四

盱江 曾煥 賓谷

古今體詩六十二首

沅江櫂歌

沅水源出牂牁其支爲澧水由鎮遠下合五谿以達洞庭故櫂歌繫於沅江

相見橋邊相別難相見橋在鎮遠城外君須西上我東還西行一

百二重塞

自常德陸路入滇俗稱有一百二十關

東行七十二重灘

莊豪多事始牂牁今日桡船人更多玉石銅鉛誠貴物
灘高道遠柰愁何

青谿縣前谿水青玉屏縣外玉爲屏如此江山亦奇絕

長林煙雨作蛇腥

關頭挂席雞初鳴

雞鳴關在青谿縣

一片風濤春枕聲曉起忽

驚江色惡夜來吹落滿天星

滿天星灘名最險

沅湘何日能安流可憐湘君萬古愁不若仙人有高見

將船高閣在峯頭

辰州楠木洞絕壁之上石縫中有船長可八尺許俗傳仙人所畱沈香船

也

武陵孃子曲

常德蠡山廟祀越相山畔復有武陵孃子祠土人云以祀西子也

翔鸞隱躍明珠幌夜靜虛堂屢猶響幾時來謁湘夫人

看他淚灑湘江筠可曾會遇巫山神夢斷不復爲行雲

爾乃修眉若微顰得無亦憶吳宮春吳人越人皆不祀

楚人私之吁異矣乃以黃金同鑄蠡紛紛兒女稱孃子

若耶谿中黛色流香水谿畔餘香畱神光儼照仙源上
千樹桃花當亦羞

辰谿藏書室歌

鐘鑪洞傳爲穆天子藏書處其山連二酉也

穆王北至羣玉之冊府東次雀梁而蠹書不知所載何
秘典恨不如造父大丙爲御車南征及酉陽傳記蓋闕
如聞有緘滕在石室使人到此心躊躇孔子游楚曾一
親掇無不然藏書周室問之柱下史大略可得而聞諸
歷代求書書不出明正統中見者惟樵夫告諸縣令亟
向取化作煙霧飄風俱見許纘會東還紀程已矣乎天意不使人
知乎大抵幽經異籍恐滋後世之狂愚帝魁已來三千

二百市篇外亦有禹發宛委堯得河圖鳳銜于岐周之
地鱗吐于豐沛之區魯則寫于端門吳則竊于靈墟又
況皇天古穴汲冢素儲卷裘皆出秦灰餘何以頻斯竹
簡不識字抱犢山洞迷其途得之不得命矣夫使人望
古徒歎歔向聞日本國頗有中華未見書眼前二酉之
藏猶若此滄溟萬里焉能逾

豫章偕舍人吳蘭雪外甥張蒙山道人劉羽清孫
雨蒼僧松谷同游西山得詩六首

鐵柱宮步月

萬頃風濤蕩孤蟾

渡江值大風

山窗小憩夢猶驚起看鐵柱

寒有光潭底蛟龍方睡靜仙壇矗出紫霄迴星斗森羅
月當頂劍花隱隱發虹氣柏樹珍珍搖鶴影此時風露
滿衣領向者驚魂若冰冷忽聞空際有笙簫欲往尋之
天路永

翠巖寺試洪井泉二首

偶聞幽澗鳴尋到煙中寺佛燈一龕紅四面擁寒翠問
僧泉所出指在翠溪際洪厓古洞門常以水簾閉
水簾颺風中飛雨灑四壁下界卽久晴望之翠如滴我
試嘗清甘煩襟一以滌寒溪不肖公坐倚蓮花石

謁梅仙祠

君非忘世者小吏上書曾一自飛鴻太

據列仙傳君入飛鴻山修鍊云

相傳控鶴昇高隣來孺子

徐孺子少有高節追美梅福之德于福宅東立宅見太平

寰宇記

佳壻得嚴陵所重惟風節神仙漫見稱

梅仙祠古柏

盤根梅嶺下勢欲高于嶺蕭蕭紫宸居團團盡雲影不知植何代壽與仙人永想見仙人來鸞棲常在頂月明山更淡風響壇逾靜柏實儻能食功何異丹鼎

答蘭雪

西山自咎兩詩人苦學神仙施與陳

唐施肩吾陳陶皆隱西山龜息

尚畱丹竈地

施自序云時時龜息飲而不食

鶴飛何處白雲身

陳詩惟餘雙白

鶴巢在君吟松月能耽隱施自序云二十年我重柑橙

願結隣陳隱居時種柑橙自給談到交游多鬼錄南皮爭不念前

塵

蘭雪復以長歌見贈奉酬一篇

曾生擾擾風塵身強欲攀躋鸞鶴羣屢訪名山竟無得
歸來祇合稱散人吳生骨相清絕倫而況下筆如有神
頗疑天上嘗修文不知何事墮紫氛昨者岱宗謁王母
又謁匡君武夷君皆言予故謫仙也俗務未了人間因
可憐人間多苦辛神仙在世同憂貧君家家風本世雲
有女賣字供米薪點金之說殊不真幸哉降凡纔十春

而君牢落逾五旬曾生心苦尤難陳昔無妙術能濟民
今無餘財堪養親對君惟有白髮新碌碌何時息勞筋
西山雖好不能住迴首煙氣浮蒼旻

游藥師院用前答蘭雪韵

近日多交方外人有詩來向佛前陳江迴階下吹鷗夢
露滴篁梢洗鶴身載酒將從陶令約南康九江諸舊燒
丹已卜許家隣吾生豈是無根蒂老去應消陌上塵

長歌再簡蘭雪

踏徧千山得山勢歸來始得山中意勢隨征騎共奔騰
意與閒人高位置西山故是逍遙地一名逍遙山客我洪崖

洞天隱凡塵一墮四十年迴想曾游如夢寐洞庭西瞻
春風顛香霧濛濛花滿天我欲攜鋤就老圃葢茅一把
青芝邊錢塘西谿秋雪亂雪中搖出漁家船我欲持竿
從老漁占他磐石秦亭前萍輾草草有成約春去秋來
事如昨遠夢空尋水面鷗素交已化雲間鶴人言不如
故鄉樂此地仙真所棲託洪崖大笑來已遲病骨何能
受丹藥

爲蘭雪題石谿漁隱圖絕句

圖爲蘭雪尊閣蔣錦秋所畫蘭雪有詩

漁婦丹青漁父題石谿從此勝西谿西谿亦有閒鷗侶
爭似鴛鴦錦色齊

爲外甥張蒙山題守梅圖二絕

月地雲階冷不禁松邊竹裏護來深此花正要春暉到
知汝區區寸草心

檀梨自愧桓靈寶珠玉如看李敬文當爲吾家成宅相
百花頭上一枝芬

謁徐孺子祠

南州有人物夫子獨開先今日生芻蕘前朝大木顛徵
車徒各郡黨獄盡諸賢誰似清英者

清英本聰明
帝甄表壯

亭高

白社邊

題北蘭寺

秋屏閣向在
寺中今傾圮

吾家先祖秋屏閣百代名同秋雨堂爽氣西來空曉色

大江東去送斜陽蟲鳴廢院花陰黯蝸篆殘碑蘚壁荒

壁間有中丞宋公紀游詩碑誰似黎君能好事小軒無恙對鸞岡

鸞寫韵軒經前南昌令黎湛谿修葺

次韵答蘭雪夢中同游諸山

白頭今始辨青鞵悟得吾生本有涯招隱詩來秋菊在
游仙夢去赤松偕羲皇枕上神初定雲水光中眼自指
爲語山靈休謝客他時官令法筵薶

夜夢回先生枉顧贈以丹青二幅其一山水似董

巨其一樓觀人物似小李將軍也醒後作長歌

紀之

我不如鍾弱翁聽君牧笛吟晚風又不如滕宗諒看君
洞庭踏高浪沈家東老我亦慙白酒何曾爲君釀豈期
夢中君叩關驅山走海置我屏風間轟轟蓮花峯窈窈
桃花源忽如林屋中有門門外千頃滄波翻門裏幽尋
欲無路君還爲我展豪素但見瓊華之室光碧之堂芙
蓉爛漫琅玕長八琅五石震霄漢鸞鶴紛舞東西廂羽
衣玉鳥自來往致身福地何蕭爽杜句頗疑我亦此間人
別院應題樂天榜我方指問君君飄然去如不聞丹青
亦化爲煙雲覺後堂戶猶氤氲五岳誰爲圖五雲誰作

吏君來顧我宜有意可憺不求丹篆字

夜雨不寐追憶翠巖寺雨後曉起尋路至陽靈觀

風景絕佳補作一首

滿身溼翠出巖隈一路谿流響夏哀迴望半空飛霽雪
誤驚中夜轉春雷繩牀臥處青蓮繞芒屨踏來紅葉堆
迤邐數村峯又別仙人爲我闢樓臺

蘭雪以廬山紀游詩見示爲作數語題後

黃巖詩屋賦詩罷

君登山至黃巖因刻黃巖詩屋印

君與廬山皆入化

從知山骨卽詩骨奇秀方能甲天下世無雲錦九疊屏
東岱南衡孰雄跨世無蘭雪一枝筆太白襄陽孰方駕

山中之人昨招我謂我歸來正閒暇有君斯作我可謝
免似徐凝被嘲罵

題蘭雪武夷紀游詩後

君至白雲洞見白
玉蟾像自悟化身

峯巔晃晃秦時月洞裏悠悠宋代人飲水餐花當此夜
蓬頭跣足認前身白玉蟾自贊云千古蓬
頭跣足一生服氣餐霞鶴歸華表誰
能識虹駕天梯自可循一曲賓雲君又奏管絃何苦鬧
凡塵

贈萬輞岡用前爲蘭雪題廬山詩後韵

先生每舉數觴罷隱几積然身欲化頃刻煙雲生裏中
縱橫山水滿天下自從落第辭長安解卻征鞍不復跨

偶然揮筆神自遠咫尺之間萬里駕三家四家何足追
十日五日了無暇求者紛紛不能謝無錢沽酒妻孥罵

長歌再簡輞岡請畫游西山圖

西山愛君是高人卅年煙雨朝朝新君亦愛爲山寫真
一邱一壑傳其神曾生抗俗而走塵簪者長安偶遇君
君貌我置西谿濱意使官場早抽身

此庚戌年事

君騎款段

自鄉里我卻飄轉隨風輪今始來從君結隣卷中綠鬢

渾如銀蒹葭淡處竟誰坐

入西谿口名蒹葭淡處

梅花萬樹誰家

春

西谿梅花最多

吳生亦與君素親可憐京華走踉蹌少陵詩

屢辭大臣至今蹭蹬無縱鱗梅仙宅畔一相見三歎不

若君安貧君常賣畫得數緡取酒一壺有餘醺階前草
木交欣欣曉猿夜鶴爲君馴吳生曾生昨入山已願屏
迹爲山民君聞斯言點首頻展絹更作礬頭皴

檢篋中得輞岡前寄嶺南墨梅一幅今補一詩謝
之

卉載歸來檢宦橐橐中何有有梅萼嶺外春風經幾回
梢頭明月未嘗落蔚宗管荷一枝寄王冕今同數斗酌
倦飛我已如寒禽穩睡君常似野鶴冰雪清姿迴相映
羅浮幻夢恍然覺此花本不爭繁華此客逢之愈澹泊
幽香祇用松煙熏絕色官教丹粉著獨操素業君冰心

徧踏紅塵我鐵腳老圃思開玉照堂芳隣好傍蘭因閣
朝岡所居豈惟點筆消寒圖卽日巡簷笑堪索
日蘭因閣

讀蘭雪集中擬睡足軒詩清妙絕倫余不能邊仲

子而喜和蘭雪之作次韵二首

日日晝眠起日光常有餘冬山如我嬾野鶴與人疏
楓徑葉多後竹陰茶熟初呼童亦纔醒殘雪在階除
山中頗知足一醉不求餘風打門常閉月來簾自疏
小鑪香盡後寒寺鼓聲初春夢今朝覺梅花又歲除

朝岡答詩有云老我一生未放假又云公不我笑
人我罵復賦一篇解之

我昨夢遇回先生知我平生好丹青妙畫倏與人通靈
使我恍忽求蓬瀛畫手疑爲葛洪子幄中圖不書其名
又疑梁代陶通明不然唐代張素卿仙人往往爲此戲
此事要在天機精而君意匠工經營胷中邱壑紛縱橫
狂態頗如回暗者酒酣耳熱畫始成煙雲供養果難老
年已七十形神清我嘗學此未能到天定俗骨無由更
公私畫史卻多讀錦囊玉軸收千齡求之不已必取盈
可憺如今鬢星星東坡藏墨七十九雖近于愚真性情
蘭雪屬題吳彩鸞寫韵軒

仙姝何苦溷凡塵丹篆應難索解人乞米書家聊活計

簪花筆格想隨身卻聞織女勤機杼常使牛郎隔漢津
上界星辰亦逋負始知天下重錢神

題裘文達公斷碑硯圖

文達公得王姚江驛丞署尾硯蓋以蘇玉局墨妙亭

詩殘石爲之者公繪圖題贊並請一時名人詠之越四十餘年令孫孝廉元俊持以示煥而索詩

曩得石齋斷碑硯頗思陽明硯未見

煥於揚州得黃忠端公斷碑硯曾賦

一詩有念於文成此硯也

文達公孫示此圖蘇王筆迹公手摹公愛

古人公亦古風燈百世同嗟吁世家今日有遺澤丁顓
之書陳亞石孝廉昆弟並興宗捧卷輒如范喬泣公生
遭際昌期耳文字有祥聲價得不然招忌惟石墨邪心

讒言常汙

太聲

白文忠快寫刻谿紙生平墨妙幾盡煨文

成苦好吳興碑辛苦驛丞書牘尾我嘗鼓櫂逾瀧江

山舊迹久已荒幽吟想像繞梅樹遺翰剝落隨枕榔又

嘗驅馬走夜郎餘姚孤輓亦可傷卷帙如雲滿巖洞音

書無雁過衡陽千年片碣苔花冷流傳到公抑何幸

題西山集後簡蘭雪

僕與蘭雪西山唱和詩鍾陵人士傳寫名曰西山集

漢上襟曾題段李山中書又擬裴王人當算景身猶健

詩雜仙心夢亦涼一字師傳新弟子

滇南錢奕熙浙西王廷燮皆蘭雪門

人而近從

兩家集付小兒郎

劉白唱和集序云命小姪龜兒寫二本一付夢得小

兒崙郎令各收藏兩家集僕與蘭雪近皆得子

從今莫賦征夫什并載關河迹

太忙

答方式亭明府

我識風塵作吏難吟詩不可況遊山君如欲擬謝康樂
躡屐須乘此日閒

題蔣公

礪堂

濂谿課士圖

先賢講治化必自弦歌始厥意今誰知襄平有夫子我
嘗官海南親見公爲理蠻人素頑獷公不事鞭箠召其
子弟來授之以經史五管十二州日坐春風裏人忘節
使貴謂是先生耳會有吾鄉人訪師遠千里言公在虔
州政教已如此濂谿講學地公實繼其軌爲公繪作圖

並以公詩紀余維周元公書通性命旨經師固已優治
績乃復美其仕江西時辨獄救殊死黠吏與惡少以犯
法爲恥及轉運廣東瘴鄉親按視咨諏其暑寒摩撫其
瘡痍總期得民厚不顧奉身非內聖而外王由來一源
委如何仕宦場迂儒恆見毀賢如趙清獻幾失濂谿矣
襄平道術同勲業過於彼幸際

唐虞朝故能賡喜起

伊墨卿畫桐華書屋圖爲胡

桐作

涼月下金井離離花弄影花間停素琴幽人眠未醒

六一堂中作

墨卿自識畫於揚州六一堂

墨花尙如昨忽驚風雨聲

一葉淮南落

今年墨卿卒於揚州

虹石齋圖爲石亭題

破屋數間塵土窟江城夜夜虹貫月有石當軒撐突兀
七尺嶙峋傲吏骨傲吏懷珍不善賈出門偶遇魏田父
與之良玉棄如土化作文章氣猶吐石兄汝來自敬亭
故山遙望雲冥冥平泉雖好慎毋入他日歸去從瞿硎
觀元祐黨籍碑

三百九人姓名在桂林一碑獨未壞碑末竟免鐫安民
碑前乃自題臣蔡當毀碑時京厲聲曰此姦黨須畱名
豈知黨人之後裔反幸不毀爲光榮可惜京書好風格

大觀帖首稱名迹卻將此本共流傳唾罵千年辱翰墨
嗚呼黨禍不可成禍成人國隨之傾甘陵部盡起黃巾
同文獄罷招金兵人讀此碑曾不戒東林學又亾前明
題輞岡鏡吾圖小影

耿如寒月中老梅疏且癯迴如秋潭上鶴立清而孤又
如大圓光入定僧已枯偕問此爲誰西山有潛夫能冰
一片心善寶千金軀靖節形贈影子方我忘吾祇憺寫
照時鬢綠顏猶朱逡巡二十載霜雪吹吟鬚

題王簣山觀察紀事八圖

搖搖燈影窗間軋軋機聲晝裏知君重檢舊書點點淚

痕盈紙

夜課圖

馬頭夏莊秋錦杖底黛鉛石橋簪日經行勝處漁洋憶

殺西樵

秋試圖

月初下九華殿風徐動萬年枝絳幘傳呼欲曉蒼生屬

望斯時

待漏圖

元暉出新林浦杜牧登樂游原雖把一麾而太曷禁回

首修門

出京圖

鐵溝之水常清廬山之峯常翠且尋少日交游預訂老

年歸計

抵里圖

信州咎有趙公觴客一杯亭中今者郡人傳頌不圖復

賞雨茅屋詩集卷之十四

三

見其風

雅集圖

使君渡江高唱楚客聞之盡驚不識運租船上可曾遇

箇袁宏

渡江圖

手掬九天河漢跌承千朶芙蓉知君暗數東國除卻泰

山不如

游山圖

謝翠巖寺僧餉筍

坡公爲苦筍歸計乃不速我幸今歸來憺無數畝竹豈

期鉢盂僧

鉢盂峯在寺前

爲我割寒玉殘泥帶花香故錦染苔

綠生來近洪井仙液與滲漉漿同赤薤腴飯候青精熟

我嘗講服餌惟未能辟穀一參玉版師可使食無日猶

憶昨登山亂翠舞巖曲是時秋露下葉戰聲鼓鼓春從

何處來忽已動幽谷池中出風雨風雨池在驚起籜龍

伏遙知香積廚燒煮常厭足儻學贊寧師應將舊譜續

二月二日三村看花同游者萬明經上遜方明府

楷盧明經宣旬錢上舍奕熙

鶯鶯燕燕傾城喧春風吹入桃花源我亦喚渡章江門

江波濺濺明霞翻水裏明霞原上燒千枝萬枝春意鬧

夜來微雨朝日烘此際三村光四照花光對客初無言

人自與花同發笑惜我龍鍾不年少隨行逐隊花應誚

西竺庵中花更繁中間一樹梅初標當其花時無客到

而今零落更誰弔可憐此種身太孤

江城梅花絕少

玉笛橫吹

乃高調

題劉雪盃

瀚

西冷聽雨圖

腳底雷聲走錢塘望湖樓上天風涼
幢幢燈影對孤客可憐夢寐疑瀟湘

雪盃湖南人

醒來坐聽空階響愁似江潮

夜夜長他鄉何以銷愁心明日湖中更搖槳

題張生

孟滄

蒼茫獨立圖

沙際聞唳鶴孤輓自落落野外老驢驢
哀鳴向蒼蒼世間寂寥境萬物多感傷
替日杜陵翁悲思起歡場酒闌白日
晚歌發青天長一身寄乾坤百慮迴
衷腸所慮者

云何所關蓋遠大憂端齊終南寧止爲寒餓靈均怨獨
處嗣宗愁獨坐杜老獨立時淚同古人墮子今更懷古
身世會不同但愛學其詩要須拓心胷心胷一已闊高
唱驚寰中

題張生

孟滄

秋雪菴坐月圖

靈隱桂花香正熱燈船競汎西湖月谿上茅菴誰肯來
荒寒坐對一天雪蘆中有士心獨清此時菴門閉淡更
浙浙淒淒聞雪聲開門見月方知晴晴光不辨水天色
萬頃濛濛同一白風起忽驚桺絮時霜寒未減梅花夕
此間明月天下無憎君不長守菴蘆但追清景摹爲圖

千里攜來示老漁老漁認得圖中路扁舟簪日沿綠處
谿邊漁屋雖未成魂夢常時乘月去月照西谿秋復秋
雪花吹滿漁翁頭何能更作浮家計煙水淩眠讓白鷗

純陽觀紫藤花下醉歌

仙人簪者龍沙游飄然竟去不可留風前脫卻紫綺裘
乃爲城南道士收道士張之爲彩幄倒垂珠琲千瓊瑤
片片青霞照洞天霏霏絳雪香簾箔長條弱蔓紛相引
百歲孤根今菌蠢仙眼觀之等朝槿可憐人間春易盡
江城二月寒雨多恩恩花事夢裏過有花豈惜金叵羅
頽然一醉柰老何及今學道難蹉跎願與仙人掃落花

太白句

雙谿五老圖爲鄭封翁柳門題

雙谿上有鄭公鄉，百代重開逸老堂。里社衣冠循故事，

雲霄器業付諸郎。蘋花風裏生琴韻，

劉夢得湖州詩酒對青山月琴韻蘋

花風荷葉階前浥酒香，

蘇文忠吳興泛舟詩荷葉遮門水浸階

遙羨謳吟同

長史

香山會中長史鄭據有七言六韻詩

近看圖畫比睢陽

和錢小鶴純陽觀聽道士琴

仙壇落花淡花下方鼓琴，有鶴聽之久戛然起長吟。長

吟向寥天清越如琴音，仙客顧而笑知渠萬里心。

胡忠簡公遺硯歌

硯背有公像及名印，有唐荆川題識，曾藏楊椒山家。

我嘗過廬陵山高卓文筆

香城山一名文筆山傳公世居其下

竦然如讀

澹菴集耿耿詞鋒耀霜日惜我後公生聞風未親炙豈

知遺影在卷石鐵面稜稜起寒色磨而不磷年七百叩

之中有公哭聲審之上有公鐫名忠肝一片如冰凝想

見此硯與公同死生萬言對策動天意乃有試官能抑

置千金購書出敵人乃爲本國所遐棄煢然逐客投蠻

荒意公得此于石鄉

公初謫新州正近端谿

一身以外皆豺狼賴

有端士依其傍向公淚眼頻浪浪爲公吐語傾剛腸偶

逢秋節怨蘭茝

公集有擬騷

或聽夜雨圖瀟湘

公有題自畫瀟湘夜雨圖

詩
漬盡蠶煙洗炎漲紫衣鮮潔猶無恙免于瓊島薤幽

魂還與玉堂作新樣吁嗟乎公名固不刊公身幸璧完
孤臣得此良獨難此硯流傳天地間可憐藏者楊椒山
讀陳生均詩題其後

開編淚下不能止人生何苦工爲此此中題字數才人
皆我故交今死矣莊周寢說無惠施伯牙罷操無鍾期
嘗歎風流不可續何圖得讀陳生詩陳生陳生汝於數
子之才孰高下世間自有能知者獨恨與我遲相逢惟
願始終如駟蚤又如四方追逐雲與龍

揚州程橫山得臨本趙松雪樂志圖圖後附錄樂

志論來索詩

程生示我畫論錄仲長氏畫者曹夔音云臨趙承旨承
旨斯圖不得見鑒藏諸家亦無紀煙雲之迹如果真或
者一時託興同公理中都俸薄常無錢日糴陳粟嗟猶
難土屋青燈雪霜裏瘦童羸騎風沙前當時望鄉心惘
然如此不歸殊可憐

見松雪集中送高
仁卿還湖州詩

安得真如公理

語居有廣宅兼良田我嘗別見公眞筆妙爲柴桑寫高
逸環堵蕭然三徑開孤松叢菊好風日有時飢驅且乞
食銜觴賦詩還自得先生樂志亦有言故轍難移應量
力人生富足需何時心爲形役途已迷況迺山陽被徵
日延康事勢同義熙蛇騰蟬蛻不能學露帷宵幄將安

之王孫身世夏可悲寄意丹青徒爾爲

觀前明舒文節公

芬

撥梅圖說手迹題其後

北京桃李花每及秋天發南京松柏樹屢被大風拔紛
紛草木見妖孽先生此時重赴闕途中客出撥梅圖感
激因爲撥梅說嗚呼此花百花頭上開王曾乃是和羹
才奈何嘉實不見采忍令剝落同蒿萊一陽纔動羣陰
洎消息微參有淡慮君不見紫芝干本來漢皋齋壇夏
降綏山桃

澤州陳文貞公五客話舊圖

五客者王漁洋徐健菴王幼華汪蛟門同

集公城南山莊而

禹慎齋爲之圖

五君各有吟詩態詩意悠然松石外文貞據案書者何
書已不存圖幸在星標玉立鸞鳳姿前輩典型今見之
官有餘閒樂游讌想當橐筆雍容時一代之興著文治
必生英哲開風氣我

朝戡亂定太平考文實在康熙世辛壬之祭干戈戢掃
盡機槍朗天日碧雞金馬關塞通鹿耳鯤身版圖入諸

公此時效賡颺

圖後汪蛟門記話舊在辛酉壬戌間

鐃歌鼓吹聲浪浪三

霄雲氣常五色天下學者羣瞻望蘇李沈宋當初唐宋
初則有錢劉楊明則青邱海叟輩諸公庶與之韻頽況
乎說巖宏獎同漁洋後生當奉一瓣香流風餘韻儻能

繼何必城南有山莊

賞雨茅屋詩集卷之十四終